

## R 4-6

Stjórnartíðindi B-deild, nr. 53/1976,  
sbr. breytingar nr.

- 293/1979
- 443/1979
- 251/1984
- 33/1993
- 86/1995
- 651/1997
- 492/2002
- 711/2002

### REGLUGERÐ um mannflutninga í loftförum.

#### 1. gr. Orðaskýringar.

- 1.1 Þegar eftirfarandi orð eru notuð í þessari reglugerð hafa þau merkingu þá sem hér segir:
- a) **Flugrekandi:** Einstaklingur, fyrirtæki eða stofnun sem stundar eða býðst til að stunda rekstur loftfars. Flugrekandi þarf tilskilin leyfi Flugmálastjórnar Íslands til þess að stunda atvinnuflug.
  - b) **Flugstjóri:** Flugmaður sem ber ábyrgð á ferðum og öryggi loftfars meðan á flugtíma stendur.
  - c) **Þjónustuliði:** Áhafnarliði sem er starfsmaður flugrekanda og falið er starf um borð í loftfari meðan á flugtíma stendur sem nauðsynlegt er öryggi farþega, annað er starf flugliða.

#### 2. gr. Almennt.

- 2.1 Hámarksfjöldi þeirra, sem nokkru sinni mega vera um borð í loftfari, takmarkast af tölu þeirri sem getið er í lofthæfiskírteini eða tegundarskírteini þess. Enn fremur takmarkast hámarksfjöldinn af fjölda björgunarvesta, björgunarbáta, súrefnisgrímna og annars neyðarbúnaðar, eftir því sem við á hverju sinni.
- 2.1.1 Með þeirri undantekningu, sem um getur í 6. gr., má fjöldi þeirra sem um borð eru þó aldrei fara fram úr fjölda öryggisbelta á föstum sætum eða bekkjum um borð.

### **3. gr. Öryggisbelti.**

- 3.1 Áhöfn og farþegar skulu hafa öryggisbelti spennt í flugtaki og við landingu. Flugstjórinn skal, þegar flogið er í ókyrru lofti, fyrirskipa að öryggisbelti séu spennt.
- 3.2 Í loftförum, sem hafa aðgreind stjórnrymi og farþegarými, skal vera greinilegt ljósskilti í farþegarými með textanum "SPENNIÐ BELTIN" og/eða "FASTEN SEAT BELTS". Kveikt skal á skiltinu í hvert skipti sem farþegarnir eiga að vera spenntir fastir. Farþegunum skal og sagt að sitja ætíð fastspenntir er þeir sitja í sæti sínu, jafnvel þótt ekki sé kveikt á skiltinu.

### **4. gr. Tóbaksreykingar.**

- 4.1 Tóbaksreykingar eru óheimilar um borð í loftförum í atvinnuflugi. Öll salerni og afmörkuð svæði sem farþegar hafa aðgang að skulu greinilega merkt með textanum "REYKINGAR BANNADAR" og eða "NO SMOKING".
- 4.2 Þó skal flugrekanda heimilt að leyfa reykingar í hluta farþegarýmis í atvinnuflugi á flugleiðum milli erlendra ríkja án viðkomu á Íslandi. Þess skal þó ávallt gætt að óþægindi skapist ekki fyrir þá sem ekki reykja. Reykingar má aðeins leyfa í hluta farþegarýmis, en ekki stjórnklefa, salernum eða öðrum afmörkuðum hlutum loftfarsins.
- 4.2.1 Í loftförum í atvinnuflugi á flugleiðum milli erlendra ríkja án viðkomu á Íslandi skal þó óheimilt að reykja í hluta farþegarýmis í eftirfarandi tilvikum:
  - a) þegar loftfarið er á jörðu niðri,
  - b) í flugtaki og við landingu,
  - c) við flug í ókyrru lofti þegar flugstjórinn ákveður svo,
  - d) í loftförum sem hafa mestan flugtaksþunga 5700 kg eða minni ef einhverjum um borð er gefið súrefni eða notar það.
  - e) í loftförum sem hafa mestan leyfilegan flugtaksþunga meiri en 5700 kg þegar súrefni er gefið farþegum í meira en 30% farþegasæta. Ef aðeins einstökum farþegum er gefið súrefni eru tóbaksreykingar bannaðar í sömu sætaröð, næstu sætaröð fyrir framan og næstu sætaröð fyrir aftan við þá farþega sem gefið er súrefni.
- 4.2.2 Á þeim flugleiðum sem heimilt er að leyfa reykingar í hluta farþegarýmis og þar sem stjórnklefi og farþegaklefi eru aðgreindir skal vera greinilegt ljósskilti í farþegaklefa með textanum "REYKINGAR BANNADAR" og/eða "NO SMOKING". Kveikt skal á skiltinu í hvert skipti sem reykingar eru bannaðar. Flugstjóri skal sjá um að farþegar skilji merkingu textans.

### **5. gr. Sala og neysla áfengra drykkja um borð í loftförum í atvinnuflugi.**

- 5.1 Áfengisneysla um borð í íslenskum loftförum er óheimil nema starfslið flugrekanda afgreiði það til viðkomandi farþega.

- 5.2 Flugrekendur sem afgreiða áfengi til farþega sinna skulu skilgreina í flugrekstrarbók með hvaða hætti farþegum sé afgreitt áfengi og einnig hversu mikið hverjum einstökum farþega megi veita á ákveðnum flugleiðum eða ákveðnum tíma.
- 5.3 Flugstjóri skal banna farþega að kaupa áfenga drykki eða neyta þeirra um borð í loftfari ef farþeginn að hans mati er svo mikið undir áhrifum áfengis að ætla má að hann geti skert nauðsynlegan aga um borð eða verið örðum til ama eða tjóns.
- 5.4 Flugstjóri skal neita að taka um borð farþega og ber að vísa frá borði farþegum sem að hans dómi eru svo mikið undir áhrifum áfengis að þeir geti stefnt í hættu öryggi og hindrað reglu um borð.
- 5.5 Flugstjóri skal fylgjast með að góð regla sé um borð.

#### **6. gr.**

##### **Flutningur á börnum.**

- 6.1 Setja má barn yngra en tveggja ára í sama sæti og fullorðinn að því tilskildu að aðeins sá fullorðni hafi öryggisbeltið spennt þegar svo ber undir og haldi á barninu.

#### **7. gr.**

##### **Flutningur hreyfiskerts fólks.**

- 7.1 Um flutning hreyfiskerts fólks gilda ákvæði sérstakrar reglugerðar eins og hún er á hverjum tíma.

#### **8. gr.**

##### **Áhöfn í farþegarými og flutningur farþega í flugmannssæti.**

- 8.1 Þegar loftfar hefur tvö flugmannssæti og einungis einn flugmaður er í áhöfn skal leyfilegt að nýta annað flugmannssætið fyrir flutning farþega þegar eftirfarandi skilyrði eru uppfyllt:
- Farþeginn er ekki hreyfihamlaður eða andlega fatlaður.
  - Farþegi í flugmannssæti má ekki sitja með barn í fanginu.
  - Farþegi skal fá ítarlegar leiðbeiningar frá flugstjóra varðandi skilyrði fyrir setu sinni í flugmannssæti, sérstaklega varðandi stjórnþæki vélarinnar.
  - Farþegi skal sitja með sætisbelti spennt allan flugtímann.

#### **9. gr.**

##### **Farþegalisti í atvinnuflutningum.**

- 9.1 Um borð í íslenskum loftfari skal vera farþegalisti. Farþegalisti skal jafnframt liggja frammi í brottfararflughöfn. Eftirfarandi upplýsingar skulu skráðar í farþegalista:
- nöfn allra einstaklinga um borð;
  - hvaða aldursflokki (fullorðinn, barn (2-12) eða ungabarn (0-2)) þeir tilheyra eða aldur eða fæðingarár;

- c) upplýsingar um hvort viðkomandi þurfi á sérstakri umönnun eða aðstoð að halda í neyðartilviki, ef farþegi býður þær sjálfviljugur;
  - d) flugnúmer flugs, brottfararflughöfn og flugvöllur á áfangastað.
- 9.2 Farþegalisti skal varðveittur í 3 mánuði. Heimilt skal að varðveita farþegalista á rafrænu formi.

Brot á reglugerð þessari varða við 179. gr. laga um loftferðir, nema þingri refsing liggir við samkvæmt öðrum lögum, auk þess sem heimilt er að svipta flugrekanda flugrekstrarleyfi, sbr. 86. gr. laga um loftferðir.

Reglugerð þessi, sem sett er samkvæmt 186. og 188. gr. laga um loftferðir nr. 34 21. maí 1964 og gildir um íslensk og erlend loftför sem íslenskur aðili notar eða ræður yfir, hvar sem þau eru stödd, staðfestist hér með til þess að öðlast þegar gildi og birtist til eftirbreytni öllum þeim er hlut eiga að máli.

Samgönguráðuneytið, 27. febrúar 1976

**Haldór E. Sigurðsson**

Brynjólfur Ingólfsson